



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiae

In Qvinqve Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

De S. R. E. Cardinalibus Ordinis S. Benedicti Nigrorum. c. VII.

urn:nbn:de:hbz:466:1-38372

De S. R. E. Cardinalibus Ordinis S. Benedicti,
Nigrorum, qui tanquam
Cardines Orbis Terræ. 1. Reg. 2.
Ad sanctam Ecclesiam sustentandam assumpti
sunt. *Cap. VII.*



SECUNDVS Ordo Spiritualium, qui ad dexterā S. P. N. Benedicti depictus conspicitur, est S. R. E. Cardinalium, quorum numerus ab Historicis probatæ fidei ab ipso S. P. Benedicto, adusque Concilium Constantiense dicitur fuisse 184. quibus si adiungantur alij quatuordecim, à tempore dicti Concilij ad hæc vsque nostra tempora creati, omnino resurget numerus à Genebrardo lib. 3. Chronol. proditus, Cardinalium videlicet ferè ducentorum. Qui numerus non rectè à nonnullis intellectus, errorem illum absurdum peperit, qui in scriptis eorum reperitur de duobus millibus Cardinalium Ordinis S. Benedicti, ut videre est apud Bugianum nostrum, colloquio ultimo in fine hist. Monasticæ; & in plerisque picturis Monasteriorum huius Congregationis Casinensis per Italiam, necnon & alijs Historicis non parvæ auctoritatis, qui inconsiderate nimis, & nulla temporum discussione habita, Bugiano & huiusmodi apocryphis scripturis, fidem, plus æquo, præbuerunt. Errorem vero prædictum natum arbitrater potius Calcographorum negligentia quam Scriptorum, qui illum reliquerunt, vitio, si numerus duorum Millium, ad plenum, & sine numeri nota, adscriptus nõ esset, facile enim est nota Arithmetica. 0. quam nullam, siue Zero, nuncupant, adiecta, ex 200. 2000. facere. Non plures vero fuisse quam ducentos testantur Trittemius noster de vit. ill. Ord. S. Ben. lib. 1. c. 5. & lib. 4. c. 21. & in libro de Ruina nostri Ordinis, & alibi sæpius, M. Antonius Sabellicus, Enneadis. 8. lib. 2. Raphael Volaterranus, Anthropologiæ, lib. 20. Gilbertus Genebrardus Chronol. lib. 3. in S. Joanne, I. Papa; Hieronymus Plata de bono stat. relig. lib. 2. c. 29. Gonsalvus Illescas in hist. Põtif. & alij plerimi Neotherici. Quod ipsum ratione etiam probatur, nam si R. P. F. Onuphrii Panuini Veronensis quam de S. R. E. Cardinalibus historiam scripsit, diligenter examinemus, singulorumque Pontificum Ordinationes, & nomina Cardinalium, qui ab ipsis creati sunt, in
vnum

vnum conferamus, Monachisque, cæteros omnes, cuiuscumque status, uel professionis fuerint, connumeremus, dubio procul inueniemus omnes sic collatos numerum millesimum sexcentimum aut faltem septingentesimum non attingere. Quod si simul omnes à S. Petro, ad Clementem VIII. numerum 1700. non attingunt, solos Monachus Benedictinos duo millia perficere asseuerabimus? Turpissimæ igitur laudis mendaciæ notam cupientes effugere, numerum minorem ducentorum uidelicet Cardinalium, tanquam uerisimiliorem secuti sumus, quem etsi omnino non attingimus, exemplariorum & librorum copiâ destituti, ad metam tamen quam proxime peruenimus, aliisq; occasione dedimus reliquos perquirendi, qui à nobis non uoluntate, sed necessitate relicti sunt.

Cardinales incertæ quodammodo creationis. Cap. VIII.



OMNVS Arator, Italus, Monachus cuiusdam Monasterii, Ordinis (ut arbitror) S. Benedicti, Congregationis primæ, quæ Casinensis, siue Benedictina appellata est: deinde Subdiaconus, postea S.R.E. Diaconus Cardinalis; uir doctissimus, & Poeta Laureatus, Claruit paulò post tempora S.P.N. Benedicti, ab anno 544. ad 560. uel amplius. Scripsit omnium primus elegantissimo carmine, Epistolas duas, & Actus Apostolorum lib. 2. excusos Basileæ in 4. anno . . . cum reliquis ueterum poetarum operibus: & ibi item in 8. Lugduni in 16. Parisiis in folio.

ANNOTATIO.

Aratoris Monachatus in bibliotheca chronologica Philosophorum, his explicatur uerbis: Arator Italus Monachus, deinde Subdiaconus Romæ; scripsit carmine in Actis Apostolorum, &c. Dedicauit autè hunc suum Librum, Trittemio teste de script. eccles. cuidam Floriano Abbati, quem arbitror Abbatem eius fuisse, ordinisque Diui Benedicti, quod passim etiam ipso S. Benedicto uiuente, Monasteria tam in Italia, quam Gallia, & Sicilia, sub eius magisterijs instituebantur: ut clarum sit & manifestum, Sanctorum Mauri, Placidi, & Aurelij Cassiodori Abbatum, & aliorum illius temporis, uitas legentibus. Cardinalem fuisse Subdiaconum testatur Trittemius, loco citato: Diaconum uero, Supplementum Chronichorum lib. 9. & Marcus Guazzus in sua historia uulgari. Ex ratione temporum creatum putarem, à Vigilio Papa, uel certè, ab eius successore Pelagio.

S. GRE-